

竊盜棄財逃走拒殺事主部駁改斬候

刑部題會看得南安州民周宗一毆傷郭凌雲身死

一案先據雲撫吳達善疏稱

云

等因題駁去後續

據該撫劉藻疏稱遵駁審明周宗一見郭凌雲錢搭

置放櫬上欲圖行竊坐於身下當被郭凌雲知覺將

錢搭取去斥責其非周宗一畧與爭辯走至街上郭

凌雲仍行詈罵周宗一拾石擲傷郭凌雲太陽顙門

越二十四日身死該犯因初供狡混未將圖竊情形

供明是實將周宗一照關殺擬絞情罪不符原屬輕

縱周宗一應改照竊盜棄財逃走事主追逐因而拒捕殺所捕人律擬斬監候照例刺字等因具題前來應如該撫所題周宗一合依竊盜棄財逃走事主追逐因而拒捕依罪人拒捕殺所捕人者斬監候律擬斬監候秋後處決乾隆二十九年十二月初六日奉旨周宗一依擬應斬着監候秋後處決餘依議

竊賊毆死事主同尋賊人部駁改照罪人拒捕
殺所捕人斬候

刑部題會看得西寧縣民黃石泰致傷廣西岑溪縣
民廖志元身死一案先據廣東巡撫德疏稱云

云

等因題駁去後續據該撫疏稱提犯嚴詰據黃石泰
堅稱實止懇免作証不允爭鬧毆詈繼因被揪毆打
情急抵傷衅起倉猝實無挾恨有心欲殺情事矢供
如前查黃石泰係竊牛罪犯廖志元爲事主馬倫陞
邀同尋牛又于控詞列名作証卽屬捕賊之人以竊

賊毆死捕人自應按律治罪前將黃石泰照毆殺律擬以絞候誠未允協將黃石泰改依罪人拒捕殺所捕人律擬斬監候等因具題前來黃石泰應如該撫所題改依罪人拒捕殺所捕人者斬律擬斬監候秋後處決等因乾隆四十年十月初九日奉旨黃石泰依議應斬著監候秋後處決餘依議

活埋爲匪總麻姪孫部駁改照罪人已就拘執
擅殺擬絞總麻服弟帮同**覆**埋部改斬決夾簽
刑部題會看得邯鄲縣民王煥文等活埋王圖吞身
死一案先據直督周元理疏稱緣王煥文係王圖吞
總麻叔祖王煥文之孫王林保係王圖吞總麻服弟
王福成係王圖吞無服族兄均與王圖吞素無嫌隙
王圖吞曾於乾隆三十四五等年行竊犯案交與伊
父王玉祥領回約束在案後王玉祥病故王圖吞又
於三十七八等年行竊韓滌廷等家穀麥高糧經事

王拿獲交與伊叔祖王煥文管束俱經王煥文央懇
息事迨四十年十一月初四日夜王圖吞復赴本村
閭鼎家行竊經事主知覺起捕趕至前院王圖吞滑
跌倒地被閭鼎喊同伊子閭士端一同拿獲閭鼎見
王圖吞身邊帶有麻繩當卽解下縛其兩手向王煥
文告知王煥文隨同彼看明閭鼎卽將王圖吞交與
王煥文領回聲言天明送官究治王煥文押同王圖
吞回家行至中途王煥文以王圖吞屢次爲匪用言
訓斥王圖吞不服出言頂撞并稱到官受累定將王

煥文一家殺害王煥文聽聞氣忿起意欲將王圖吞
活埋免至受害行至族孫王福成家門首王圖吞不
肯前行至家三煥文喚起王福成將王圖吞拴於王
福成家門框之上囑令王福成看守自行回家向伊
孫王林保告知令王林保前往自復携取麻繩木槓
鐵鑊當將王圖吞行竊之事告知王福成并聲言欲
將王圖吞活埋除害王福成等勸解王林保并爲跪
地央求王煥文聲稱有事伊獨承當王林保復又求
懇王煥文以伊孫堅不允從聲言欲死卽往牆上槌

頭王林保遂將伊祖拉住維時王圖吞肆行詈罵王
煥文愈加氣忿逼令王林保動手王福成亦跪地央
求王煥文堅執不允并將王福成詈罵王福成等無
奈隨將王圖吞按住王煥文用繩捆其手足勒令王
福成王林保擡至王圖吞地內王煥文先用鐵鍬在
地掘坑數下旋令王福成王林保幫刨王福成不肯
刨掘王煥文欲行毆打王福成隨同王林保刨成一
坑時王圖吞詈罵益甚王煥文忿莫能遏令王福成
幫擡入坑王福成不允王煥文欲在道旁樹上槌死

王福成畏懼幫同將王圖吞抬入坑內用土掩埋斃命次日王喚文鳴同地保報縣屢審供認不諱查王煥文係王圖吞總麻叔祖因王圖吞屢次爲匪用言訓斥被王圖吞不服頂撞聲稱到官受累定將伊家殺害王煥文輒起意致死逼令王福成王林保幫同活埋殊屬不法王林保係王圖吞總麻服弟輒敢不顧倫紀聽從伊祖將王圖吞扛擡創坑活埋雖係迫於祖命但服制攸關自應按律問擬王福成因族祖王煥文逼勒幫同將王圖吞活埋斃命亦屬不法王

圖吞係王福成無服族弟至死應同凡論將王煥文
依尊長謀殺卑幼依故殺法故殺總麻姪孫律擬絞
監候王林保依謀殺總麻尊長律擬斬立決王福成
依從而加功律擬絞監候王福成王林保均照例刺
字等因具題前來查律載擅殺罪人以鬪殺論律義
原兼謀故在內此案王煥文係王圖吞總麻叔祖王
圖吞屢竊犯案交與王煥文領回用言訓斥王圖吞
反行挺撞并稱殺害一家王煥文起意除害逼令伊
孫王林保等將王圖吞掩埋斃命查王煥文致死王

圖吞如係挾有夙嫌或另有起衅別情商同謀斃自
應各照本條科斷若如該督所稱王圖吞屢次犯竊
既屬有罪之人王煥文以有服尊長又奉有管束之
責因其怙惡不悛主令掩埋斃命按律自有擅殺罪
人之條今該督畧其擅殺之罪與尋常服制謀殺之
條一律科斷致以三命抵償一匪殊未允協應令該
督另行委員確審按律妥擬具題到日再議等因題
駁去後續據該督周 疏稱提犯逐加研訊據王煥
文供稱該犯並無挾有夙嫌亦無別有起衅別情商

同謀斃情事卽質之王林保等供亦相符是王圖吞以屢次犯案之後復又行竊原屬有罪之人王煥文係伊有服尊長又有管束之責用言訓斥理所當然乃王圖吞不自悔悟反出言頂撞并稱殺害一家以致王煥文忿怒莫遏逼令王福成等幫同活埋致斃若將該犯等各照謀殺服制尊長本律科罪則以三命抵償一匪誠與尋常謀殺之案無所區別自應比律問擬將王煥文照罪人已就拘執而擅殺律擬絞監候王林保等擬徒等因具題前來除應擬絞罪之

王煥文續據該督咨報業已在監病故應毋庸議外
查律載其犯罪而首從未罪各別者各依本律首從
論等語今王林保一犯幫同刨坑擡埋雖係迫於祖
命但該犯係已死王圖吞總麻服弟律應照服制論
未便照凡人僅擬杖徒應將王林保仍依謀殺總麻
尊長已殺者斬律擬斬立決該督既稱王福成聽從
王煥文將王圖吞擡埋斃命王煥文已改照擅殺罪
人問擬王福成應請改依斃命埋屍案內聽從擡埋
之犯如審係在場幫毆律應滿杖者卽照棄屍不失

本律杖一百徒三年例應杖一百徒三年至配所折
責四十板雖係獨子事犯在乾隆四十二年五月初
二日欽奉

恩詔以前但情罪較重應不准其留養所得徒罪亦不准
其援減等語均應如該督所題完結

夾簽
聲明

查王林保

聽從伊祖王煥文之命幫同刨坑將屢次爲匪之王
圖吞活埋致斃王煥文雖依擅殺罪人問擬但王林
保係已死王圖吞總麻服弟律應依服制論臣等將
王林保改擬斬決該犯寃係迫於伊祖威嚇且跪地

央求王煥文不允卽向牆上撞頭聲言欲行撞死該犯無奈勉從下手核其情罪與逞兇同謀加功致死尊長者有間相應照例夾簽聲明恭候

欽定等因乾隆四十二年十月二十一日奉

旨王林保改爲應斬著監候秋後處決餘依議欽此

寅夜窆門被毆至死捕人無傷部駁改依罪人

不拒捕而擅殺擬絞

刑部題會看得平湖縣民姚大觀毆傷汪大觀身死

一案先據浙江巡撫三寶疏稱

云

等因題駁去後

續據該撫疏稱行據按察使委員會審移提犯卷到
案查核原驗王陳氏房門有無窆損形迹隨提犯復
加研訊當日並未供明飭委海鹽縣知縣張力行前
詣查勘覆稱陳顧氏大門房門並無窆損形跡訊據
陳顧氏供稱大門破舊無門夜間將板橈頂靠房門

雖有門因門稍寬鬆關閉插門仍有罅縫此皆汪大觀平日往來熟悉是夜汪大觀身無它門器具係用手挖撥是以並無形迹等語核之委員所驗情形實屬相符查汪大觀平日並不爲匪陳顧氏素所深知因伊女獨自在家汪大觀平素語言輕薄人不正經是以陳顧氏於出門之際囑其此數日內不必前來寄被已有防閑之意乃汪大觀復又持被往寄向王陳氏談笑無忌王陳氏見其言語輕佻令其將被自放竈間至晚並不往取直至二更明知王陳氏一人

獨處並不叫門竟窺大門而進又不徑往竈房取被
復窺王陳氏卧房之門其意在圖姦已無疑義該縣
前審因王陳氏不肯供吐圖姦而汪大觀已死無從
根究故照鬪殺問擬今既審明汪大觀寅夜圖姦係
屬有罪之人姚大觀係屬貼鄰聽聞王陳氏聲喊有
賊理應往捕乃汪大觀見其趕至並不逃避反行嗔
罵拳毆固屬強橫但姚大觀並未被毆受傷輒持械
逞兇將汪大觀毆傷至斃誠如部駁固不便以賊勢
稍強遽引鬪殺減等之例而逞兇毆死罪人自有不

拒捕而擅殺專條姚大觀應改照罪人不拒捕而擅
殺律擬絞監候等因具題前來應如該撫所題姚大
觀改依罪人不拒捕而擅殺以鬪殺論鬪殺者絞監
候律應擬絞監候秋後處決等因乾隆四十三年八
月二十八日奉

旨姚大觀依擬應絞著監候秋後處決欽此

妻因調戲自縊事後毆死調姦之人外擬故殺
部駁改罪人不拒捕擅殺擬絞

刑部題會看得吳橋縣民劉大緒等共毆劉書籍身
死一案先據直隸總督周元理疏稱緣劉大緒籍隸
該縣劉書籍係該犯無服族祖劉法之義子貼鄰居
住乾隆四十一年九月十九日晚劉書籍因劉書經
觀劇外出踰牆潛至劉書經之媳張氏屋內向氏調
戲張氏嚷罵劉書籍當卽走回並未成姦嗣劉書經
回家聞知卽逼令劉法驅逐劉書籍歸宗劉法護子

情切於四十二年正月二十八日自縊身死當經該縣審明將劉書籍擬以杖責詳結迨十二月初十日劉張氏不知案已完結因劉書籍仍未歸宗心懷忿恨亦卽投繯殞命復經該縣審明並無別故應毋庸議經臣批結各在案至四十三年五月十八日劉書籍飲入醉鄉見張氏之夫劉大緒坐在門首出言譏誚劉大緒氣忿遂順取木槓向毆致傷劉書籍右肋揪倒地劉書籍卧地混罵劉大緒復用木槓毆其左臂膊兩下木槓過長遂卽撩棄回家另覓器械意欲

再毆洩忿經伊父劉書經瞥見查問該犯告知情由
卽持鐵尺先行走時劉書籍被傷卧地混罵劉大
緒卽用鐵尺連毆劉書籍右肱肘處所并將鐵尺震
斷劉書籍轉身益肆詈罵劉大緒復用斷折鐵尺毆
傷其左右臙脇當卽歇手時劉書經慮恐伊子不能
抵敵亦携鐵尺踵至聽聞劉書籍辱及祖先心生氣
忿亦用鐵尺毆傷劉書籍左右臙脇並右肱等處
比劉書籍義母劉翟氏聞聲出視見伊子被毆上前
救護潑罵劉大緒愈生氣忿起意將劉書籍致死遂

撩棄鐵尺將劉書籍右胳膊擰打殞命屢審供認不諱查劉大緒所毆劉書籍各傷雖均非致命但該犯所毆多而且重又係該犯起意致死復將其右胳膊擰打殞命屢審供認不諱伊父劉書經並無商謀及主使喝令情事自應以劉大緒當其重罪查劉書籍雖先曾調戲劉大緒之妻張氏但業經官爲審結責處則劉書籍已屬無罪之人乃該犯因劉書籍乘醉混罵輒用木槓鐵尺先後疊毆復起意致死殊屬不法劉書籍係該犯無服族祖義子應同凡論將劉大

緒依故殺律擬斬監候先行刺字劉書經擬徒在監
病故毋庸議等因具題經臣部等衙門詳核此案先
後供招劉書籍係劉法收養義子現年四十一歲劉
書籍於乾隆四十一年九月十九日晚踰牆潛至劉
大緒之妻張氏屋內調戲圖姦張氏喊嚷經劉大緒
之父劉書經聞知逼令劉法驅逐歸宗劉法護子情
切自縊身死經該縣審係劉法不能管教伊子繼又
輾轉愛護有乖父道死乃自作將劉書籍仍照圖姦
未死本律擬以杖責完結迨四十二年十二月初八

日劉書籍發落回家張氏因見其仍復回家心懷忿恨卽於初十日投繯殞命復經該縣以劉書籍並無別故釋放詳結至四十三年五月十八日劉書籍見劉大緒坐在門首不自知罪反以再挨三十板子敗壞你們半輩門風之言向誚以致劉大緒氣忿先後用木槓鐵尺向毆復將其右肱肘揸打殞命劉大緒之父劉書經因會幫毆收禁病斃該督將劉大緒依故殺律擬斬等因查劉書籍先因調姦張氏致伊恩養數十年之義父劉法自縊身死到官只加責處已

非情理迨後張氏見其仍復回家抱忿投繯復敢口
出穢言向本夫劉大緒肆行譏誚察其肇衅根由實
因調姦而起劉書籍不得謂無罪之人該縣初審此
案時護子自縊之劉法係劉書籍義父與因姦因盜
致令父母自盡例應縲首者雖稍有不同只應衡情
量減乃以杖責完結原辦本屬錯悞此案復訛傳訛
遂將劉大緒依故殺律定擬是劉書籍因姦肇衅致
兩家已死二命實屬有罪之人今更以義憤殺死罪
人之犯坐以故殺於情理尤未允協未便率覆應令

該督詳核案情另行妥協辦理具題到日再議等因
題駁去後續據直隸總督楊景素疏稱緣劉書籍年
甫八齡經劉法乞養爲子已經三十餘年如果劉法
平素訓誡有方劉書籍遇事觸忤不遵約束致令抱
忿輕生其罪自難輕減今劉書籍調姦張氏淫邪顯
著劉法自當卽應送究以示懲儆乃旣不能訓誡約
束於前又輾轉袒護於後實屬有乖父道後因劉書
經逼令驅逐劉書籍歸宗劉法護子情切短見自縊
是與因姦以致憂忿戕生或畏累自盡者情殊有間

伏查乾隆二十七年刑部議覆西安按察使蔣嘉年
條奏內開父母不能禁約其子爲匪甚或縱容指使
狼狽爲姦業有應得之罪及至事發而輕生自盡則
止視其子所犯本罪科斷等語查劉法雖無指使狼
狽情節但查其事之護庇已可見前事之縱容原辦
將劉書籍照依圖姦未成本罪問擬杖責似屬按例
科斷至劉書籍發落回家之後張氏自縊身死該犯
不畏洗滌前非復敢提及前事向劉大緒肆行污穢
究其肇衅之由實因調姦而起揆其致死之故洵爲

義憤所激且劉書經因在場助毆又經收禁病斃是
劉書籍調姦起衅致兩家已死三命誠如部駁不得
謂無罪之人前將劉大緒坐以故殺之罪實未允協
劉大緒應改依罪人不拒捕而擅殺例擬絞監候等
因具題前來應如該督所題劉大緒合依罪人不拒
捕而擅殺以鬪殺論鬪毆殺人者絞監候律應擬絞
監候秋後處決該督前疏內稱劉書經雖訊無商謀
致死及主使喝令情事但當劉大緒携取鐵尺之時
自應卽爲喝阻乃任聽伊子行兇復幫同助毆亦屬

不法劉書經應照新例在於餘人罪上加一等杖六十徒一年該犯業經在河間縣監病故應毋庸議等語應如該督所題完結乾隆四十四年九月二十六日奉

旨劉大緒依擬應絞著監候秋後處決餘依議欽此

脫逃賊犯心疑捉拿送官被罵戳死部駁改照
已就拘執擅殺絞候

刑部題會看得正安州民陳貴戳傷川民李正榮身
死一案先據貴州巡撫舒常疏稱緣李正榮籍隸川
省與陳貴素無嫌怨乾隆三十九年十二月間李正
榮夥同李正林等在原籍南川縣行竄犯案經該縣
拿獲照例杖刺責令充警其父李先元於四十三年
三月間遷移正安州地方佃土居住四十四年三月
初間李正榮在南川縣乘間脫逃潛至李先元家同

居是月十六日村民張合綸劉方書黃朝選等家先
後被竊猪隻因陳貴現充牌頭囑令訪緝未行呈報
嗣陳貴查知李正榮在川犯案逃匿疑其偷竊思欲
設法拿解至二十六日陳貴先邀張合綸劉方書黃
朝選及鄰佑黃德選馮兆全五人在家等候伊往誘
哄李正榮來家幫同捉獲衆俱允從陳貴遂至李正
榮家詭稱邀飲李正榮應允同往甫進門檻陳貴乘
間拉其左脚李正榮仆跌在地劉方書黃朝選黃德
選馮兆全一齊上前將李正榮擎住張合綸去取繩

索欲行拴縛陳貴瞥見李正榮襪內藏帶尖刀拔出
在手因李正榮口中辱罵順手用刀連戳李正榮左
腿並左右腿肚各一下又用刀背打其右腳踝一下
劉方書等卽行勸住未行拴縛詎李正榮傷重延至
半夜殞命報州驗審關准四川南川縣移取李正榮
犯竊脫逃原案審明定擬研訊供認疑賊誘捕戳傷
致死各情不諱再四究詰實止商同捉拿並無預謀
殺害亦無加功之人實係陳貴被罵不甘臨時故殺
將陳貴依故殺律擬斬監候照例刺字張合綸等擬

杖等因具題經臣部查律載罪人已就拘執而擅殺以鬪殺論鬪殺者絞監候等語今陳貴因張合綸等家失竊囑令緝訪陳貴查知李正榮曾經犯案逃匿疑其偷竊設法捉獲瞥見李正榮襖內藏帶尖刀拔出在手因李正榮辱罵戳打致斃核其情節李正榮在川犯案被獲責刺帶桿充警乘間逃至貴州卽屬有罪之人陳貴現充牌頭有巡查地方之貴卽張合綸等不曾失竊亦當緝報但旣經獲住乃因被罵戳打致死正與拘執擅殺之律相符且故殺之案必須

取有兇手臨時頓起殺機確供方可定擬茲據該撫
審明陳貴供稱實因李正榮辱罵用刀向戳並非有
心致死而看內又稱實係陳貴被罵不甘臨時故殺
供看不符碍難率覆應令該撫另行妥擬具題到日
再議等因題駁去後今據該撫李 疏稱覆核陳貴
實因訪知李正榮在川犯竊潛逃疑在該處爲匪商
同張合綸等捉拿送官旋因李正榮肆行辱罵該犯
用刀戳打適傷斃命並非有心致死查李正榮在川
犯案被獲責刺帶梃充警乘間脫逃卽屬有罪之人

陳貴身充牌頭本有查緝之責但既經獲住乃因被罵戮打致死誠如部駁正與拘執擅殺之律相符屢訊該犯陳貴並無臨時欲殺情事前擬故殺實與供情未合將陳貴依律擬絞監候具題前來應如該撫所題陳貴合依罪人已就拘執而擅殺以鬪殺論鬪殺者絞監候律應擬絞監候秋後處決至該撫前疏內稱張合綸劉方書黃朝選黃德選馮兆全等聽從帮拿並未助毆均應照餘人律杖一百各折責四十板張合綸等家被失猪隻訊非李正榮行竊仍飭另

緝賊賊究報至張合綸等失竊無多未行呈報雖有
不合已於本案擬杖應免置議等語均應如所題完
結乾隆四十五年十二月十六日奉

旨陳貴依擬應絞着監候秋後處決餘依議

拿獲拒捕嘔匪審明不請 王命先行正法奉

旨交部嚴加議處

貴州巡撫李 奏竊照川省嘔匪糾衆越界搶奪殺人拒捕圖脫致傷官兵拿獲夥犯陳正山等經臣一面恭摺奏

聞一面提犯解審去後嗣准湖廣督臣舒 等咨稱本年閏五月初五日湖北利川縣四川石柱廳交界地方有經過之嘔匪被拿拒捕脫逃當獲棚頭蔡友應供稱夥黨欲往貴州等因移咨到臣適提現獲各犯陸

續至省臣卽率同藩司孫 臬司奇暨道府州縣等
逐細親訊據陳正山鍾鳳鳴劉貴彭昌文四犯供明
實係被約入夥目擊搶奪拒捕等情緣此案囑犯劉
老十毛老九楊老大李小八爲首先在北川達州
各屬假作客商乘機搶竊遇有無賴之徒拉誘同行
所得銀錢共相分用沿途聽邀入夥漸至七八十人
復令棚頭分管遂敢恃衆強搶拒捕行兇因被查拿
欲由湖廣貴州一帶潛赴雲南廠地謀生閏五月初
五日經過川黔交界之魚筓口遇有兵役截拿劉老

十等拒捕脫逃復回川屬黔江彭水等縣於十五日
逃入黔省婺川縣界十六日早至艾子園途遇客商
吳大元等趕有錢馱匪夥蔣安榮劉小滿五貓兒灣
角九等上前強搶吳大元追奪被蔣安榮用刀戳斃
各犯得錢奔逃經縣李大銑聞報會營勘明追捕拿
獲夥匪彭昌文二十日追至安州屬之小溪溝該署
州甘立言亦率兵差會同堵截拿獲陳正山鍾鳴鳳
二犯劉老十等持械抗拒戳斃汛兵馬正魁一名維
時近川一帶各地方官皆已風聞派撥兵役嚴守要

衝並令鄉保頭人率衆堵截各犯不敢經由大道潛
越深山菁林竄逸二十六日至桐梓縣獅溪口村衆
聞知往捕有鄉民雷成被匪犯趙滿一及混名草帽
蓋子沒耳朶等戮傷致斃二十七日該縣李元極追
至空亮樹地方拿獲匪夥劉貴一犯二十八日各犯
竄至猶官埧鄉民猶老四出拿亦被兇傷殞命各匪
卽於二十九日逃往川黔之交界丁山埧一帶因仁
懷縣兵役先已堵守遂入川省纂江縣境迨各員弁
兵役追至該處各匪已由合江一帶遁去今就現犯

研訊陳正山鍾鳳鳴劉貴三犯本年三四月間五月
先後入夥隨行搶錢分贓彭昌文被脇相從甫及兩
日並未在場同搶臣恐各犯卽係匪首棚頭拒捕殺
人正犯又或另有主謀糾約窩藏情事逐加刑訊僉
供實因素乏恒業貧苦無聊聽邀入夥冀圖得錢分
用並非爲首拒殺正克亦無另有主使糾集窩留別
情矢口如一其爲夥犯無疑查此案囑匪糾衆至數
十人之多擅帶應禁器械自川至楚由楚來黔沿途
搶掠殺人併敢拒傷官兵差役實屬兇惡強橫非尋

常搶刦之案可比自應從嚴辦理立正典刑以昭炯戒陳正山等三犯雖訊無拒捕殺人情事但既隨同匪黨搶奪分贓卽係同惡共濟陳正山劉鳳鳴劉貴應請從重照搶奪爲首斬決例擬斬立決先行刺字彭昌文一犯入夥兩日已認匪徒爲乾父又經分受贓錢一千文亦應從重照同謀搶奪絞監候例擬絞監候秋後處決仍先將各犯犯案問罪緣由遍行曉示俾衆共知凜畏至提到盤獲之徐申方正羨王老滿三名訊明並非此案夥犯因其情形可疑致被官

差拿解已令現獲匪犯陳正山等逐加認識俱係並非同夥不敢誣攀臣恐或有狡卸諱徇現在仍行羈禁行提要証質明分別辦理其王元周一犯因值病重尙未解到應俟提審另結至疎防搶奪殺死事主拒捕戮斃兵民之各地方官容結案時查明分別從重叅處除另繕供單敬呈

御覽外合將現獲囑匪夥犯審明擬議緣由恭摺奏

聞伏祈

皇上聖鑒敕下法司核覆施行乾隆四十六年八月二十

四日奉

上諭據李本奏拿獲咽喉匪夥犯陳正山鍾鳳鳴等審明分別定擬請勅法司核覆一摺甚不解事已於摺內批示矣此案咽喉匪聚集多人由川省潛竄黔楚持械拒捕滋擾地方情罪甚爲重大前已降旨諭令四川湖廣雲貴各督撫於拿獲咽喉匪審明時凡幫同拒捕之人俱一面正法一面奏聞其餘隨行未經拒捕亦應發伊犁給厄魯特爲奴母得稍存姑息將就之見今李本旣經拿獲拒捕咽喉匪審得實情自應卽請王命

立正典刑其餘各犯卽行從重分別定擬一併具奏
何待法司核覆致要犯久羈顯戮耶李本著交部嚴
加議處其囑匪陳正山鍾鳳鳴劉貴三犯俱著卽處
斬餘仍著該部議奏摺併發欽此

母與姦夫通姦有孕羞忿自盡其子十年後殺
死姦夫比照不拒捕擅殺擬絞監候

刑部奏議得河南巡撫李 奏稱竊查乾隆四十七
年十月初七日奉

上諭據步軍統領衙門奏盤獲欲行叩閭之河南舞陽縣
人亢萬全呈詞內稱伊母余氏被同村居住之楊派強
姦未從羞忿自盡該犯將楊派殺害來京投首請旨將
亢萬全解交該省提集人証審擬具奏一摺該犯言語
支離不足憑信當余氏自縊之時該犯兄弟三人何不

鳴官究治楊派近在同村又何以必待十年之久始行
乘機殺害且余氏自縊時該犯年已十八伊兩兄年歲
更大則余氏應在四旬以上何至尙有人欲強姦情事
恐其另有誣陷別情着富勒渾提集案內人詳加研究
務得實情定擬具奏原摺并着發往閱看欽此欽遵准
兵部通發亢萬全到省逐加研訊緣亢萬全係舞陽
縣人與華縣人楊派鄰居住亢萬全之父亢維一
先娶馬氏生子亢萬里亢萬緒繼娶余氏生亢萬全
一人亢萬里早故亢萬緒自幼雙瞽乾隆三十一年

間尤維一物故亢萬全年甫十齡相依寡母亢余氏
度日楊派時相往來亢余氏令亢萬全認爲乾父楊
派隨與余氏私通鄰里均有知覺迨亢萬全漸次長
成見而心疑曾向余氏勸阻未聽至三十八年春間
余氏因姦受孕爲亢萬緒之妻董氏窺破向其盤詰
余氏含淚不言嗣卽慮事敗露羞愧莫釋於三月二
十四日乘間投繯殞命經亢萬全卸救莫及因恐醜
聲外揚商同伊兄亢萬緒隱忍私埋未經報官亢萬
全以楊派敗壞伊家門風致母死非命痛憤交加勢

不爾立因年輕力弱未遂其心迨至年力漸壯楊派
又每外出生理在家日少間或在集一遇碍於人多
不能下手亢萬全忍氣吞聲已非一日四十七年八
月三十日亢萬全與楊派在途撞遇適亢萬全徒手
莫可如何楊派隨向通問亢萬全不答旋即回家携
刀前往因時屆昏暮楊派門已扃閉亢萬全忍耐而
歸次日早辰亢萬全身藏利刃復至楊派住庄見楊
派站立門外招其入室坐談時有伊家雇工李羣在
彼挑水亢萬全慮其救護未卽動手迨李羣水已挑

訖出外割豆相離頗遠亢萬全起立背地抽刀乘楊
派坐床喫煙未及提防舉刀狠砍頭上楊派躺在牀
上不能叫喊亢萬全隨勢連砍楊派在床亂滾致先
後砍傷楊派頂心偏左偏右顙門額顙兩腮腦後
耳根右胳膊手腕手指左右手背等處並割斷食氣
兩顙立時身死亢萬全棄刀而逸屍妻楊冀氏住在
後院相隔兩層並未聽見及令伊姪楊士望往喚喫
飯瞥見屍傷鳴投地保報縣驗訊詳緝在案亢萬全
逃復憶及此事料難脫逃隨捏寫伊母余氏係被楊

派強姦致縊因而殺死等情詞於九月下旬至京欲

行叩

閣投首當被弁官獲送提督衙門具奏奉

旨以該犯言語支離不足憑信飭令提犯詳究定擬當經

前撫臣富 轉飭集犯審辦茲據該司等審明招解

臣復逐細研訊據該犯供認前情不諱詰其彼時年

已十八因何不隨同伊兄報官遲至十年之久始圖

報復據供伊長兄亢萬里早經身故次兄亢萬緒本

係瞽目又非余氏所生且因家羞不肯外揚暫爲隱

忍常思圖報雪恥始則年輕心力不副繼因楊派外出未遇間或一遇又以人多碍難動手以致遲至於今雖事隔十年而忿如一日並無起衅別情再四究詰矢口不移似無遁飾將亢萬全比照親屬捉姦已離姦所非登時殺死不拒捕之姦夫照罪人不拒捕而擅殺例絞候地保曹文元擬杖等因具奏前來查亢萬全因楊派與伊母余氏通姦懷孕被子媳窺破盤詰余氏羞愧自盡查閱全招據該撫提集亢萬全之兄亢萬緒嫂亢董氏及鄰佑人等僉稱楊派與余

氏通姦懷孕屬實因家醜未肯外揚暫爲隱忍衆供確鑿是楊派係因擬徒之罪人今亢萬全因被其玷辱家聲復害母命積恨十年一朝報復實屬出自義忿與別項謀殺不同亢萬全一犯應如該撫所奏比照親屬捉姦已離姦所非登時殺死不拒捕之姦夫照罪人不拒捕而擅殺例擬絞監候秋後處決再該撫奏稱亢萬緒訊非知情同謀其繼母余氏自縊委因慮及家醜播揚並無私和情事且係雙瞽篤疾應請免議等語應免其查議該撫又稱地保曹文元雖

訊不知情但事後查知不卽具報應照不應重律杖
八十折責三十板折責發落先經退役無庸再議等
語應如該撫所奏完結乾隆四十八年三月初十日
奉

旨允萬全依擬應絞着監後秋後處決餘依議

四人行竊一人拒捕扎傷事主部三次飭駁應
開叅疎防不遵開送降一級調用

兵部奏先經山東巡撫明興咨昌邑縣王諾家被賊
四人內一人拒捕扎傷一案經縣捕緝獲二名照一
人行竊拒捕之例扣限一年咨叅經臣部以同夥既
有四人係屬夥竊傷人應照例揭叅疎防該撫照一
人行竊拒捕扣限一年咨叅殊屬錯悞行令更正並
查取承辦錯誤職名去後嗣據該撫覆稱夥竊臨時
拒捕傷人似指夥衆進院拒捕傷人而言此案李小

生孫小墜並未進院董元在外接賊實止趙三一犯拒捕是以免叅疎防辦理似無錯悞無庸扣叅疎防錯悞職名仍請免開復經臣部照例咨駁飭令更正去後又據該撫覆稱據昌邑縣知縣湯冕倫詳稱同夥之人並未拒捕亦未進院賊犯原不照盜案辦理卽未便題叅疎防此案因失主追捕僅見一人拒逃有無同夥無從知覺嗣拿獲首賊趙三始行究出尙有夥賊且案犯趙三拒傷事主並非臨時亦非夥衆拒捕文武各官應照例免叅疎防武職仍扣限一年

酌減議處其承辦錯悞職名仍請免開由府司核轉
咨達等因前未查定例一人行竊臨時行強扣限一
年查叅如係夥竊拒捕傷人照強盜例扣限四個月
題叅疎防原以旣經糾夥則恃夥衆敢於拒捕與獨
行偷竊臨時行強者不同例載本屬明晰今王諾被
賊拒捕一案旣有夥衆四人卽非一人行竊何得以
夥賊三人未同拒捕率引一人行竊之例冀免疎防
處分屢經臣部駁更而知縣湯冕倫竟不遵駁改正
實屬規避處分相應叅奏請將昌邑縣知縣湯冕倫

交部照例議處至該管上司核轉不行更正該撫又
不行詳悉駁飭題叅均有不合相應請

旨交部分別議處其王諾被賊一案臣部另行更正照例
辦理是否有當伏候

聖訓遵行爲此謹奏乾隆四十九年九月二十七日奉
旨著交該部欽此

糧船水手沿途刁搆停泊汎官催趲不行拿送
地方官奪犯毆傷官役比例斬決

刑部奏竊照漕運總督毓奇奏處州衛前幫水手聚
衆勒加身工錢文並奪犯毆傷外委陳起隆等一案
先據直隸總督劉峩山東巡撫明興拿獲水手明貴
等十一名並外委陳起隆兵丁盧花奎等解送到部
經臣等提集明貴等研審據該犯等供出聽從在逃
之南玉等聚衆毆官奪犯各實情奏蒙

聖鑒在案因此案起衅根由據明貴等供係該幫押運守

備馬薌等不行找給鹽菜銀兩躲避岸上不能見面以致抗不開船等語是此案必須馬薌等到案質証方足折服其心當經節次奏明行文漕運總督提取馬薌等查拿務獲去後今據漕臣毓奇委員將守備馬薌運丁高萬豐等押送前來並據山東巡撫明興拿獲南玉張第四二犯於八月十一日十六日解送到部臣等當卽監提各犯隔別嚴訊各犯始猶狡賴及見馬薌等到部知質証有入無可推卸始將確情和盤托出緣浙江處州衛前幫糧船共四十號俱係

守備馬燾千總孫國平等管押每船運丁各雇舵工
水手十名向例每船水手應給身工銀十四兩八錢
上年十一月內因船隻回空凍阻北河經漕運總督
奏明於山東道庫每船借給鹽菜銀五十兩分作二
次給發馬燾旋赴德州道庫先領銀一千二百兩散
給每船各銀三十兩時有第八號船中水手南玉聞
旗丁有官給鹽菜銀兩遂以篙水辛苦爲由起意索
增工價與水手明貴等商量俱各允從遂日向運丁
高萬豐等吵鬧運丁等無奈於水手每船例給十四

兩八錢身工之外每船各加給大錢二十五千文十
二月內南玉等又因天氣寒涼起意勒加工價復與
衆水手商允吵罵不休運丁等又每船加給大錢三
千八百文迨本年正月二十九日米泮開行船至楊
村停泊南玉復糾衆吵鬧欲增工價經領運守備千
總孫國平嚴切曉諭而南玉等仍抗違不遵該運丁
高萬豐陳敬亭等恐悞遄行每船又加給大錢十九
千零五十五文許以楊村先給大錢五十五文俟船抵天
津再給五千餘錢九千零五十五文約俟臨清找足南

玉等依允開船三月十二日行至南皮縣泊頭鎮地方復行停泊時馬麟因赴德州找領鹽菜銀八百兩回船找給每船運丁各銀二十兩南玉等復以運丁應找銀兩已經領回向運丁索找臨清加給之錢九千零五十文運丁等以此項原約到臨清找足不允給與南玉等復行吵鬧不肯開船運丁等無奈卽於十三日每船找給錢九千零五十文而南玉等又捏稱聞白糧幫每船加添工價較多復行格外索添運丁高萬豐等以南玉等屢索不休卽哄稱如將來打

聽白糧幫加添工價銀多伊等情願再行照數給與
南玉等不依仍行吵鬧守備馬燚千總孫國平前往
禁阻南玉等不服并聲稱如不找給定將運丁殺害
仍然停泊不行馬燚等因南玉等人多勢衆恐彈壓
不住致滋事端當卽移行南皮縣交河縣並移會泊
頭汛把總外委陳起隆於十六十七兩日催趲不行
意欲拴獲數人送縣懲治以儆其餘因見水手人衆
未敢輕舉十八日適該處河西演戲各船水手多有
過河觀劇每船僅存一二人該外委陳起隆卽帶兵

丁盧花奎任朝斌王世榮等三名來至河邊適值水
手王老官鄭青貴李三陳四亦欲往河西看戲在馬
頭過渡陳起隆等卽將王老官等四犯扭住用繩拴
帶押至段姓飯店欲送縣懲治維時有水手張四禿
子見王老官等被拿卽在岸喊嚷南玉聞知輒起意
奪犯糾同明貴馮楊州富四徐支張七周德徐萬支
張弟四陳起三陳元何德併在逃張四禿子吳池張
四賈四徐三等一系列十七人齊袂搶奪維時陳起三
陳元何得三人行至中途畏懼先回南玉等十四人

同赴段姓店內口稱索人外委陳起隆見而喝阻南
玉喝令衆人下手將店中橈腿卸下分執撲入并主
令馮楊州等將王老官等縛繩解開陳起隆向前攔
阻南玉首先動手用橈腿打傷陳起隆頭顱血出明
貴亦拾取柴棍打傷陳起隆臂膊兵丁盧花奎任朝
斌王世榮上前救護亦被明貴吳池張四毆傷維時
馮楊州已將王老官解放富四亦將鄭彭貴解放徐
支將李三解放張七將陳四解放各搶回船陳起隆
當差兵丁馬文標往南皮縣報明時值該縣公出經

典史章步青驗明傷痕陳起隆復將水手毆官奪犯
各實情具文移會該縣典史章步青亦將外委兵丁
受傷緣由通稟天津道時馬遴等亦卽據實呈報漕
運總督具奏嗣經直隸總督劉峩委員於東光縣地
方拿獲明貴陳起三陳元何得等四犯南玉等聞拿
先逃南皮交河二縣會同保定府同知審訊明貴等
恐干重罪捏稱過河看戲與外委陳起隆口角爭吵
起衅陳起隆趕扭水手以致絆跌踣傷等情希圖掩
飾經起隆當面指証明貴等仍復堅詞狡賴該令等

信以爲實卽據明貴等供情申解經該督委員覆訊
陳起隆當堂辯白該委員質之明貴詎明貴等仍狡
賴如前該委員亦卽仍照縣審供詞詳報及至總督
親訊陳起隆畏懼不敢剖辯隨扶同捏認看戲爭吵
絆跌蹣傷屬實續經山東巡撫拿獲馮楊州徐支張
七富四徐萬支鄭彭貴周德等七犯解歸直隸審辦
旋奉

諭旨將各犯解交臣部嚴審經臣等嚴加研鞫明貴等無
可狡飾將聚衆奪犯毆傷官役各實情供認不諱惟

起衅根由飾詞推諉今經提取馬薺等到部並將首
犯南玉拿獲三面質証據各犯將勒加身工抗不開
船及起意打奪各確情歷歷供吐如繪查核漕運總
督初奏情節相符惟案內陳起三陳元何得等三人
堅稱實係聽從前往行至中途畏懼先回質之明貴
等供亦無異臣等以南玉等勒加工價原爲通幫水
手而起該犯旣敢起意糾衆奪犯毆打官兵則通幫
水手勢必跟隨同往斷不僅止此十餘人嚴加究詰
據南玉等僉供實因彼時驟聞王老官等四人被拿

一時倉卒糾約數人希圖搶回免得受罪那日各船水手多往河西看戲其在船水手本屬無多又有在船看守並未同去的其同去的水手實止十七人因我們衆人在彼鬧鬧市鎮居民不知何事隨後觀看以致人多擁擠今蒙這樣嚴審敢不據實供出反替別人隱瞞自己受刑嗎求詳情等語再四研詰加刑訊矢口不移似無遁飾并令取南皮縣原稟查明守備馬燐及外委陳起隆各移會均與所供相符查律載官司差人捕獲罪人中途打奪因而傷差者絞

監候聚至十人爲首者斬監候爲從各減一等又例載行劫罪囚不論曾否得囚有無傷人將爲首之人擬斬立決有傷人者將傷人之夥犯亦擬斬決其未經殺傷人者分別坐罪各等語今南玉屢次率衆勒加身工抗不開船及外委陳起隆接准守備馬彝移會向其催償仍抗不遵陳起隆將王老官等四人捉拿送縣懲治經張四禿子看見前往通信南玉膽敢起意糾衆打奪喝令馮楊州等將王老官等四人縛繩解放陳起隆上前攔阻南玉輒同明貴用橈腿柴

棍將陳起隆頭顱臂膊打傷明貴又同吳池張四將
兵丁盧花奎任朝斌王世榮亦俱打傷實屬目無法
紀查此案雖所刦並非在獄之囚但漕船於開凍後
卽應遄回水次該犯等膽敢屢次勒加工價抗不開
行復聚衆奪犯打傷官兵兇橫藐法莫此爲甚若照
中途打奪本律僅將爲首一人擬以斬決實屬情浮
於法自應將奪犯打傷弁兵之犯從重比例辦理以
昭炯戒此案南玉起意爲首明貴吳池張四俱比照
有傷人者將傷人之夥犯亦擬斬決例均擬斬立決

南王明貴現獲到案應將該二犯卽行梟首傳示河
干使衆水手觸目警心咸知畏懼其未獲之吳池張
四應令各該督撫嚴拿務獲解往犯事地方正法示
衆馮楊州富四徐支張七等四犯雖訊無動手傷人
情事但聽從南王主使將王老官等四人解放實難
輕縱若依爲從律減等擬流不足示儆應俱從重發
往伊犁給卮魯特爲奴周德徐萬友張弟四等三犯
同行助勢亦從重發往烏魯木齊給種地兵丁爲奴
以上馮楊州等七犯俱解直隸總督先將各犯等用

重枷枷號三個月在沿河一帶示衆俟枷號滿日再行發遣陳起三陳元何得雖據供稱臨時畏懼先回但先曾聽糾隨往亦屬好事之徒陳起三陳元何得應與被刦放回之鄭彭貴均於馮楊州等遣罪上減一等各杖一百徒三年至配所折責四十板其首先通信之張四禿子同往助勢之曾四徐三又被刦放回之王老官李三陳四等現俱在逃應通行各督撫務行拿獲另行辦理領運守備馬叅押運千總孫國平專司運務雖於南玉等勒加身工禁阻不服卽移

會地方文武設法催償事後亦卽據實稟報但平時不能約束咎亦難辭應請

旨交兵部照例議處至直隸地方官於此等奪犯毆官重案旣經陳起隆將實情具文移會南皮縣應卽查照移會內情節據實根究何以任聽該犯捏詞狡展應請

勅下直隸總督查明叅處不得稍存瞻徇護至直隸總督劉綎不據實查辦卽行入奏已據自請議處應毋庸議所有臣等審明定擬緣由謹會同都察院大理

寺合詞恭摺具

奏乾隆五十年八月二十四日奉

旨南玉明貴着卽處斬梟示餘依議

犯罪事發奉票差拘及看守押解人犯圖脫逞
抗拒殺差役俱擬斬決

乾隆五十七年四月十九日奉

上諭刑部奏覆直隸省賊犯黃昆等毆傷事主楊文德身
死將黃昆依竊盜臨時拒捕爲首殺人例擬斬立決
及安徽省姦犯王林遠扎傷姦婦夫兄郭瑤典身死
將王林遠依罪人拒捕殺所捕人者律擬斬監候二
本已照簽發下矣又題覆山東省民犯劉書圖脫拒
捕砸死捕役喬振緒將劉書依犯罪脫逃拒捕殺所

捕人律僅擬斬候未爲允協黃昆係屬賊犯臨時拒捕傷殺事主自應照例擬斬立決至王林遠與鄭瑤典俱係平民其捉姦被扎身死將王林遠問擬斬候已足蔽辜若劉書係毆傷堂嫂拘押候質之犯乃敢硬自跑走及經縣役堵拿輒用磚石向砸致傷身死以犯人而拒殺在官人役一死二傷豈王林遠之拒殺鄭瑤典者可比乃僅擬斬候使之監禁稽誅從前定例本未平允刑部援引定擬亦未加細酌以致失當嗣後除拒殺所捕係屬平民者自應仍照舊例辦

理外其有在官兵役奉票拘拿以及簽派看守押解人犯如無恐嚇凌辱索賄情事犯人敢于圖脫毆打致斃者概不當復擬斬候其應如何酌行改定之處着該部悉心妥議具奏欽此臣等伏查臣部議覆山東省劉書在押逃走拒殺捕役喬振緒身死一案因劉書毆傷堂嫂原犯罪止擬笞其逃走拒殺捕人係屬罪人殺人據該撫擬依罪人拒捕殺死捕人律擬斬監候臣部卽照擬核覆並因該犯又另傷捕役二人情罪較重若俟題後行文該撫已過該省本年秋

審具題之期是以聲明卽由臣部入于本年秋審
辦理並未拘泥成例今蒙

聖明指示以劉書係犯罪拘押候質之犯乃敢硬自跑走
拒殺在官人役一死二傷非拒殺平民可比仰見我
皇上明罰勅法務期協中之至意不勝欽服之至臣遵

諭旨詳叅律例罪人以官司勾攝爲重拒捕以致死差役
爲重而捕人奉票拘拿與藉差私緝情節攸殊定罪
卽當有別應請嗣後除別項罪人拒捕致死平人並
差役未經奉有官票以及因事牽連之人並非案內

正犯拒捕毆傷適斃者俱仍照各本條辦理外如有
犯罪事發奉票差拘以及簽派看守押解之犯敢于
圖脫逞兇拒殺差役者俱擬斬立決若衙役有藉差
恐嚇索詐凌虐罪犯致被毆死者應訊明謀故鬪毆
各實情各依本律科斷不得以拒捕殺人問擬以昭
平允如此則被殺之官役與常人有所區別而引用
各有專條兇徒咸知懲儆矣是否有當伏候

皇上訓示如蒙

俞允臣部載入例冊通行問刑衙門一體遵辦所有山東

省劉書砸死捕役喬振緒一案遵照新例另行改擬
具題乾隆五十七年閏四月初四日奉

旨依議

滿貫賊犯擬絞越獄拿獲卽行正法知縣革職
奉旨留任

臣全魁奏竊照承德縣監內于乾隆四十五年三月
內監禁賊犯支流明嗣據審解係竊贓滿貫並誘拐
周范氏同逃併獲經臣等將支流明審係竊盜贓一
百二十兩以上律擬絞監候具題飭發監禁在案本
年正月十六日據知縣文良稟稱支流明於是日黎
明時擰脫鑰鐐腳蹬木柵撞開屋頂鑽出越牆脫逃
等語當經嚴飭多差幹捕分路躡緝並飭提禁卒人

等查訊辦理旋據該縣具報於十六日下午晚時追至城外將支流明拿解前來臣等親提嚴訊該犯供認越獄不諱禁卒人等並無賄縱情事查支流明係竊賊滿貫擬絞監候秋後處決秋審緩決一次例應發遣爲奴之犯若在配脫逃卽應正法令該犯干未經減等發遣以前胆敢越獄情殊可惡自應按照改遣入犯脫逃之例立置典刑當卽委員將支流明鄉赴市曹處斬正法訖禁卒王紹功趙彬張起福郭自富訊無賄縱情弊並不小心監禁應照例減囚罪二等

各杖一百徒三年在外巡風民壯李作梅捕役王林各照不應重律杖八十折責三十板革役所有臣等審辦緣由理合奏

聞至監獄重地防範最宜嚴密豈容稍有疎懈似此重犯致被越獄脫逃其並不時刻提防已可概見未便因其當日卽行拿獲稍爲寬貸相應請

旨將奉天府經歷兼署承德縣典史金明達承德縣知縣覺羅文良一併革職以昭炯戒除咨報刑部並委員摘取印信鈐記查明經手倉庫錢糧及一切事件有

無未清另報外爲此恭摺具奏伏乞

皇上睿鑒乾隆四十六年三月十四日奉

上諭全魁等奏奉天承德縣絞犯支流明越獄脫逃一案
雖經該縣文良當經拿獲但究係防範不嚴請將承
德縣知縣文良典史金明達一併革職等語監禁重
犯胆敢在獄脫逃該典史職司監獄自有應得之罪
至該縣于絞犯脫逃後卽嚴飭幹捕當日拿獲尚屬
認真若亦予以革職無以示勸懲文良著從寬革職
留任該部知道摺併發欽此

解役中途故鬆刑圖六致絞犯脫逃原擬杖徒部

改滿流

刑部會看得新寧州絞犯馬三嬰解審發回中途脫
逃被獲一案據廣西巡撫熊 疏稱緣馬三嬰籍隸

崇善縣人先因在新寧州那勒村地方傭工與梁文
秀熟識乾隆四十年四月初一日夜馬三嬰夥同麻
蒂先行竊新寧州民吳興廣家衣物被事主追獲情
急用刀劃傷事主吳興廣右腮腋傷輕平復解送新
寧州審明將馬三嬰依竊盜棄財逃走事主追逐逞

兇執持金刃戮傷事主者照罪人毆所捕人至折傷
以上律擬絞監候秋後處決據按察司朱椿詳解到
臣經臣核審於乾隆四十年九月二十二日繕疏具
題發回收禁詎該犯於十月十六日解回南寧府押
發宣化縣轉解該縣梁友穀於十九日僉差朱元李
鳳協同長解黃勝莫威押解因經承張世榮漏發文
移並未移營撥兵朱元於點解後因母病私雇劉德
代替給錢一百四十文李鳳又因病後腿酸私雇李
亮替解給錢一百六十文李亮行至渡口又幫給劉

德盤費錢六十文劉德一人護解迨過渡後馬三嬰因失跌擦傷右小腿疼痛難行央求黃勝將右邊腳鐐開放將鐐拴縛左脚馬三嬰又在途洗手時將右手鏝撞脫至涿盧塘住宿二十日馬三嬰肚痛行至獨山塘已晚黃勝等卽帶犯至塘住歇點燈時分馬三嬰洗脚獨坐塘屋床上劉德出外買烟黃勝亦往外尋取稻草打鋪惟莫威在門首洗脚看管犯人比馬三嬰在堂屋嘔吐塘夫易宏長恐其污地阻止馬三嬰遂出天井嘔吐瞥見塘房並無圍牆卽乘間跑

走由屋後爬山而逸莫威查知驚喊當同黃勝劉德
并塘兵人等點火追捕無踪報經宣化縣懸賞分差
勒緝訊供通詳飭緝詎馬三嬰於是晚逃後卽用石
將鎖鍊鐐鐐打脫同紅衣褲丟棄河內潛入蕉園過
夜以後日間躲入岩崙樹林夜間隨脚行走挖取番
薯芋頭等物充饑二十九日行至新寧州那勒村地
方馬三嬰憶及相熟之梁文秀居住該地山脚於二
更時分潛赴敲門進內告知犯案脫逃情由央求其
剃頭容留梁文秀不允馬三嬰嚇以被獲振害梁文

秀畏懼允從卽尋取剃刀代爲剃頭後因屋窄恐人
查知借給飯米砂礮領至山上岩崙躲匿比南寧府
督同宣化縣新寧州廣差偵緝於閏十月十六日據
差役黃高等查至那勒村向梁文秀訪問馬三嬰踪
跡梁文秀恐差役查知受罪卽告知馬三嬰藏匿處
所黃高等卽通知該地塘兵鄉保等於是夜令梁文
秀領赴山崙將馬三嬰拿獲解縣臣經批司提犯來
省飭委桂林府知府顧馨督同臨桂縣知縣姚文坤
確審妥擬詳解研訊據馬三嬰等各供前情不諱嚴

加究結各犯堅供並無賄縱情弊該犯逃後亦無行兇爲匪之事似無遁飾查馬三嬰因行竊破獲棄財圖脫情急拒捕及傷事主右腮一傷事主傷輕平復該犯照例擬絞監候較之護贓格聞事主重傷至秋審時無可寬緩者情節尚輕馬三嬰應仍照本罪擬絞監候李鳳朱元黃勝莫威劉德李亮梁文秀擬徒許正明等分別擬以杖枷等因具題前來查例載凡該斬絞之犯事發到官負罪潛逃被獲如原犯情罪重大至秋審時無可寬緩者改爲立決若原犯

情罪尙有可原懼罪潛逃仍照本罪擬爲監候等語
今馬三嬰行竊拒捕圖脫刃傷事主吳興廣之案先
據該撫將該犯審依竊盜棄財逃走事主追逐執持
金刃戮傷事主例擬絞監候具題經臣部於乾隆

四十年十二月初九日核擬題覆在案該犯解審發
回中途脫逃被獲查係棄財圖脫拒傷事主傷輕平
復較之護贓格開傷重至秋審時無可寬緩者情節
尚輕馬三嬰應如該撫所題仍照本罪擬絞監候秋
後處決係解審脫逃應於秋審時入於情實該撫能

稱短解李鳳朱元違例雇替長解黃勝擅開腳鐐致
馬三嬰脫逃係他人限內捕得例不減免李鳳朱元
黃勝均應照故縱囚者與囚同罪至死減等律減馬
三嬰絞罪一等杖一百流三千里至配所折責四十
板長解莫威當黃勝放開腳鐐時曾經阻止較黃勝
所犯情節稍輕應照主守不覺失囚減囚罪二等律
減馬三嬰絞罪二等杖一百徒三年至配所折責四
十板俱先已革役劉德李亮得錢受雇李亮復轉托
劉德一人護解俱合依受雇人減承差人一等律減

李鳳朱元流罪一等各杖一百徒三年李亮既經受
雇又不親往應先枷號一個月發配該犯等所得受
雇錢三百文均應追出入官梁文秀代馬三嬰剃頭
借給米飯領至山崗藏匿應照知人藏匿罪人減罪
入罪一等減馬三嬰罪一等杖一百流三千里後因
差役向查懼罪告知藏匿處所領同拏獲應照知人
欲告自首減罪二等律減應得流罪二等杖九十徒
二年半至配所折責三十五板塘兵許正明韋國秀
並不協力防範應俱照不應重律杖八十各折責三

十板分別移營革伍縣書張世明將移營公文遺漏
封發以致未及撥兵護送應照不應重律杖八十折
責三十板枷號一個月革役緝獲馬三嬰差役已經
照例給賞毋庸議餘應如該撫所題完結等因乾隆
四十一年三月 日奉

旨依議欽此

把總不親身押解遣犯以致脫逃比照僉差長
解州縣例杖徒不准援免

刑部奏據直督劉 奏稱緣鄭元寶係誑騙行使假
銀案內奉部咨發黑龍江當差之犯由綠營武弁接
站撥兵解送地方州縣向不添差乾隆四十九年八
月二十四日早飯時分玉田營把總張天義准薊州
營遞解遣犯鄭元寶到汛經該把總查明公文兵牌
飭令目兵丁選魁撥兵押解丁選魁卽派撥守兵李
致平王尚志二名解送豐潤營交替李致平因伊妻

在豐潤縣棋兒庄岳父家置做棉衣尚未寄至當向把總張天義告假回汛時順便携取該把總往其給假至點解時因王尚志在八里舖守撥諭令丁選魁同解至八里舖交替丁選魁解至城外因須伺候操演先行回營李致平隨獨自押犯至八里舖邀王尚志同解因見王尚志患病難行遂言情願獨自押解王尚志允從李致平卽解鄭元寶前行因帶有錄鑑行走不快天黑時始抵烟郊舖地方離豐潤尚有二十五里難以趕到卽在烟郊舖趙發信店宿鄭元寶

沽酒與李致平同飲後先行就寢李致平亦卽鼾睡
詎鄭元寶乘李致平睡熟將鎗鑊擰開而逸迨至四
更李致平睡醒不見鄭元寶當卽喊叫找尋店主趙
發信亦卽點燈看視見店門未開南牆有腳頭形跡
始知係踰牆逃跑李致平聲言自行找尋卽出店連
夜追趕探知豐潤縣河各庄有鄭元寶親戚童姓當
卽至彼查問無踪又恐到官受罪遂至伊岳家中携
取棉衣一路留心出口躡緝欲圖緝獲回營可以邀
免而目兵丁選魁因無遣犯鄭元寶收管于是月二

十七日向王尚志查問王尚志意謂李致平所解人犯量已解到隨以收管在李致平處收存之言混答至二十八日李致平尚未回汛丁選魁卽稟明該把總向李致平岳父家詢無下落移查豐潤營亦並無收到遣犯鄭元寶隨飭傳王尚志到案訊出患病並未同解情由該把總恐李致平係與遣犯同逃隨一面差緝一面詳報并將王尚志移縣訊辦錄供通詳經臣批飭上緊嚴緝并令提犯赴省委員究審旋據該營將李致平拿獲一并解省飭委署南路同知鄭

製錦訊明由司覆審定擬詳解到臣覆加究詰矢口不移似無遁飾將守兵李致平王尚志把總張天義分別擬以遣徒回兵丁選魁等擬杖都司德舒交部嚴加議處等因具奏前來查律載獄卒不覺失囚減囚罪二等故縱者與囚同罪若押解罪囚中途失囚者罪亦如之又例載押解斬絞重犯如不小心僉解致解役有違例雇替開放鎖鑰縱囚脫逃者將僉差長解之州縣官照獄卒縱脫重犯管獄官杖八十徒二年例減一等杖七十徒一年半其撥兵護解之

武職卽與州縣一例擬徒各等語今逃遣鄭元寶係已革內務府人審後不思安分旣經行使假銀又復誣騙朝珠等物計贓逾貫情殊狡詐若僅依例擬流折枷不足示儆照情重軍流改發黑龍江當差之犯于乾隆四十九年八月二十四日由薊州營遞解王田汛該把總張天義撥兵李致平王尚志一同押解自應加意管解乃李致平因王尚志患病不能行走卽自認一人押解復聽其沽酒同飲致鄭元寶乘閒脫逃王尚志旣經患病又不稟明本官另行撥兵解

送任聽李致平一人管解致有疎脫該二犯雖訊無
賄縱情事但一則耽酒縱囚一則托病悞公均屬藐
差玩法卽與故縱無異李致平王尚志均應如該督
所奏俱各依押解人犯中途故縱者與囚同罪律應
與鄭元寶所得當差遣罪一律同科均發黑龍江給
披甲人爲奴至配所杖一百折責四十板仍照疎脫
黑龍江等處人犯本例先行枷號一個月滿日解部
刺字轉發逃遣鄭元寶應行文該所並各該督撫一
體嚴緝務獲照例辦理再該督奏稱下邊魁雖非應

解兵丁但不與王尚志交替明白督令押解以致鄭元寶脫逃亦屬不合丁選魁照不應重律杖八十枷號一個月滿日折責三十板革去名糧該汛把總張天義當鄭元寶解到之時並不親身押解又不慎選妥幹兵丁以致擬遣重犯脫逃非尋常僉差不慎可比若僅予革職實屬不足蔽辜張天義應比照押解斬絞立決重犯脫逃者撥兵護解之武職照僉差長解之州縣減管獄官一等杖七十徒一年半例杖七十徒一年半至配所折責二十五板店家趙發信既

不幫同追尋又不赴官稟報亦有不合照不應重律杖八十折責三十板等語均應如該督所奏完結該犯等雖事犯在乾隆五十年正月初一日欽奉

恩旨以前但李致平王尚志丁選魁均係兵丁奉差押解致犯脫逃把總張天義僉差不慎俱屬情節較重所得遣徒枷杖應俱不准援減趙發信所得杖罪應行援免該督又稱玉田營都司德舒失察屬弁僉差不慎已干例議且又不將該把總並未親身押解之處

立時揭報請叅更屬瞻徇應請交部嚴加議處等語

應俟

命下移咨兵部查照辦理又該督奏稱押發各省人犯俱由綠營會同地方官添差押解惟部發黑龍江等處遣犯自通州起程由營員駐防撥兵解送殊非慎重遞解罪囚之道應請嗣後部發黑龍江等處遣犯無論當差爲奴務令知會地方官添差幹役二名協同營兵沿途小心遞解以昭嚴密如有疎虞將地方官一并查叅差役照例治罪以示懲儆等語查各省押解軍流人犯例由州縣會同營弁派撥兵役協同押

解今發遣黑龍江等處人犯自通州以東僅止營兵
遞送並不會同地方官添差押解殊非慎重遞解重
囚之道應如該督所奏嗣後部發黑龍江等處遣犯
無論當差爲奴均令知會地方官每犯一人添差幹
役二名協同營弁沿途小心遞解以昭嚴密如有疎
虞將地方官役與弁兵一體查叅治罪其他省或有
似此者俱照此畫一辦理恭候

命下臣部移咨兵部並行各省督撫府尹一體遵行乾隆
五十年正月二十五日奏奉

旨依議

承緝逃兵不力各官革職留任不准捐復

大學士公阿 議覆四川總督李世傑奏乾隆四十

九年九月欽奉

上諭各省承緝金川逃兵之歷任州縣各員無論現任及業經陞調者俱著革職從寬留任八年無過方准開復其接緝之州縣各員到任在半年以上者著革職留任四年無過方准開復限內俱准子調不准陞用著督撫查明具奏等因欽此經前署督臣保 將四川承緝不力之道府廳員州縣各職名奏請議處去

後茲准部咨以四川省現任成都府理事同知三貢保等十二員均係先經題陞推陞奉

旨尚未引

見之員今該員等既因承緝督緝逃兵不力革職留任止准予調不准予陞應請

旨扣除令其各回原任其應陞員缺行令另選合例之員具題推陞員缺由部另行按班銓選奉

旨依議等因欽此欽遵知會前來隨經臣轉行藩司分別飭令各回本任另行選員請補在案伏查四川通省

同知通判州縣共一百五十缺內有逃兵者八十五
缺無逃兵者六十五缺除現在懸缺外其無逃兵之
廳州縣各員有曾經署過別缺得有承緝接緝逃兵
處分者又十九員實在並無逃兵處分者只四十員
此四十員中或甫經到任或另有別項違碍處分或
其才具不勝繁劇表率之任卽量爲選擢亦不過可
得一二缺之人今部議掣回原任各缺內除成都府
理事廳本係部推不計外其餘皆係在外陞調之缺
雖定例外省題補無人原可請

旨簡放但此十二缺之中或撫馭番夷或兼司廠務或地
當衝要均爲通省緊要之區若一時俱易生手實於
地方殊多罣碍更查准陞各員內如崇寧縣知縣孫
念祖請陞資州直隸州知州廣安縣知縣潘成棟請
陞邛州直隸州知州雅安縣知縣高瑛請陞直隸石
柱廳同知均在四十七年前督臣福任內奏准隸
爲縣知縣張官五請陞綿州直隸州知州嘉定府通
判楊宗鼎請陞天全州知州均於四十八年內經臣
奏准因孫念祖潘成棟張官五楊宗鼎承辦城工高

瑛承辦城工審厥經福康安及臣先後分別奏咨暫
緩引

見在案是孫念祖等五員實因公事暫行稽留致未早邀
恩澤若仍掣回原任未免獨抱向隅至其餘徐麟趾高唐
周澄沈連程煜胡廷章潘邦和等七員奉

旨允准陞用俱在未定逃兵處分以前與前奉

上諭所稱業經陞調者似無他異雖該員等不能仰體

皇仁俾逃兵等均得盡數投首此時因承緝接緝不力僅
予革職留任已屬格外寬典惟念此項逃兵俱在三

十六七八九年距各員等到任之期已歷七八年之久較之本任脫逃承緝者尚屬有間且究係事屬因公臣與兩司等再四商酌惟有仰懇

聖恩俯念緊要員缺過多一時實無陞調之人可否飭令孫念祖等十二員照乾隆三十五年捐復革職留任之例其四年無過方准開復者令其照例捐復其八年無過方准開復者令其照例捐復銀數再加一倍捐復仍遵照前奉

諭旨給咨該員等送部引

見恭候

欽定在該員等仰沐

仁慈得以及時自效自必益加奮勉而現在各缺亦不致
乏員請補有費周章臣爲緊要員缺過多不揣冒昧
恭摺具奏伏乞

皇上聖明訓示再現在通省州縣中其才具尙堪造就而
因承緝接緝逃兵革職留任者甚多將來設有題調
員缺仍不無陞補之員倘各員中有情願照例捐復
者可否一體准其查照捐復年限分別捐復之處並

集
卷一
三
懇

勅部定議施行奉

硃批該部議奏欽此欽遵抄出到部臣等查官員任內革職留任處分定例雖准援例開復但查四川湖北湖南陝西甘肅雲南貴州七省緝拿金川逃兵各官展限多年拿獲尚未及半奉

旨分別年限革職留任止准予請不准予陞已屬格外從寬若如該督所請准其援例開復一體陞用誠恐將來各省官員恃有積資不畏吏議遇有通緝要犯視

爲海捕具文不肯實力查拿因循塞責實於吏治有
關至該督所稱現在川省在外陞用之缺實無合例
之人可以陞補之處查該省同知通判州縣內無逃
兵處分者尚有四十員儘可揀選陞用卽如該督所
稱此四十員中或到任未久或續有別項違碍處分
又或才具平常不堪擢用遇有缺出不敷陞用之時
該督原可據實奏

請

旨於應陞應補人員內揀選帶領引

見發往其人均有部臣保舉復經

聖明簡用較推選人員自優此等陞任之員調補繁要者
不一而足斷不致不能勝任若此例一開其餘六省
轉相效尤勢必紛紛援引實不足以示懲創所有該
督奏請令孫念祖等十二員援例捐復仍准引

見陞用其餘有逃兵處分革職留任各員亦准一體援例
開復之處均毋庸議爲此謹奏乾隆五十年六月初
二日奉

旨部駁甚是此案承緝接緝逃兵不力本應照部議予以

降革朕念人數過多是以格外加恩皆予留任限內
子調不准予陞已屬格外之仁若如李世傑所奏准
其援例捐復一體陞用是視捐項爲重捕犯爲輕其
見甚鄙將來遇有通緝要犯俱視爲海捕具文不肯
實力查拿於吏治大有關係且此案逃兵共有七省
若因此例一開紛紛奏請捐復更何以示懲儆李世
傑率行陳奏意在沽名著交部議處欽此

續經議准

所見集三卷十七捕亡

三盜賊捕限

捕亡之法，必先審其情，然後治其罪。

捕亡之法，必先審其情，然後治其罪。

捕亡之法，必先審其情，然後治其罪。

捕亡之法，必先審其情，然後治其罪。

捕亡之法，必先審其情，然後治其罪。

捕亡之法，必先審其情，然後治其罪。

捕亡之法，必先審其情，然後治其罪。

知縣拿獲鄰省要犯不卽解往叅奏革職奉

旨尚有拿獲另案首盜仍以知縣試用

川督李 奏竊照署大寧縣試用知縣魏履中稟獲
湖北通城縣糾眾毆官首犯黎贊武一名經前署督
臣保 批飭速解楚省審辦該叅員並不遵奉輒自
解來省中經臣提犯審明將黎贊武定擬具奏等因
奉

硃批該部知道欽此欽遵卽轉飭兩司務審實情議擬招
解去後茲據布政司王 按察司繆 轉據成都府

知府王啟焜審明定擬轉解前來臣復親提嚴鞫緣
魏履中係發川試用知縣乾隆四十九年十月內委
署大寧縣事有湖北通城縣民黎贊武因與黎明幹
許訟心疑該縣鄭師將黎民翰袒庇乘該縣來鄉驗
傷輒糾約黎興池等將該縣毆傷逃至川省大寧縣
經該參員于未奉楚省咨緝之先將黎贊武拿獲究
出前情稟經前署督臣保批飭解赴湖北審訊該
參員接到批檄以自大寧縣解赴湖北武昌較遠于
四川省城且赴武昌經由三峽巴東道途險峻恐有

疎虞而自大寧至省道途易行有沿途川省文武護
送該叅縣適又拿獲行劫湖北建始縣鄧必俊家首
盜余老三夥盜趙成勝余老四等三名亦須解省安
意連拿鄰省聚眾毆官首犯及行劫首夥各盜稍可
邀功恐解回楚省只得照常聲敘不能從優保奏遂
將黎贊武抄行湖北捷徑解至省中經臣將黎贊武
審明正法並將該縣恭摺叅奏革職審奉

硃批轉行飭審去後茲據兩司審明擬解前來臣查此案
先據保寧批飭速行解楚嗣於二月初七日復欽奉

上諭以該犯一經就獲該縣卽應將要犯交付差役解赴湖廣方爲正辦乃稟請批示暫爲羈禁外省地方官惟知在本省督撫前見長邀功全不知事理輕重最爲陋習等因欽此復經保寧批檄或以較量程途遠近輒解來省尚屬可原若旣接閱欽奉

上諭之後輒仍悍然解省則其違抗之罪甚大復嚴加詰問據該叅員供稱因黎贊武情罪重大係例應審明卽行正法之犯未便久羈顯戮是以取道川北捷徑趕至省中督院發行公文係由驛遞與叅員赴省之

路係屬兩途且該叅員於二月初三日由大寧縣起身督文於二月初七日始發已在叅員起身之後實未接到如果接閱自當飛解楚省何肯冒昧來省致干叅處等語反覆究詰矢供不移似無遁飾查魏履中拿獲聚衆毆官重犯既經前督臣批飭解楚乃輒較量程途遠近又因拿獲湖北另案首夥盜犯三名自負邀功妄希優敘竟將黎贊武與另案盜案一併擅自解省雖審無故意抗違情事亦未便以功抵過魏履中業經前叅革職應毋庸議理合將審明定擬

緣由恭摺具奏伏乞

皇上睿鑒訓示謹奏乾隆五十年六月二十六日奉

上諭據李世傑奏叅革職大寧縣知縣魏履中於拿獲湖北糾衆毆官首犯黎贊武不卽解楚審辦妄希優敘擅自解省業經革職應毋庸議雖該員尚有拿獲湖北省另案首夥盜犯三名亦未便以功抵過等語魏履中前於拿獲黎贊武時既經總督批飭解楚乃並不遵奉擅行解至省中其急欲見長希圖優敘固有應得之咎但該員又有另案拿獲湖北首夥盜犯三

名是於緝捕事宜認真辦理尚爲知縣中急公奮
勉之員其功亦足以抵過除將拿獲盜犯審擬一摺
已交行在法司核擬速奏施行外魏履中著加恩仍
留川省以知縣試用其革職之案帶於新任摺併發
欽此

知州獲犯刑訊致斃不據實詳報叅請發新疆
奉 旨罪不至此著送部引見

臣福 臣畢 奏爲審擬會奏事竊照署隴州知州
高淳拿獲竊匪陳四娃並不虛衷研鞫妄事刑求致
該犯誣供與同縣匪徒李二李三馬碎個子等偕往
河州行竊路過蘭州阿岡鎮遇見逆回馬五招誘入
夥令伊出外探信行至隴州卽被盤獲等情又于五
月二十四日獲犯延至六月十九日始行具報嗣據
報稱陳四娃患病旋以續訊犯供止夥同行竊實無

遇見馬五聽從謀逆代爲探信之事經臣福 以此
案忽認忽翻殊多疑竇飭令臬司王 馳赴隴州提
犯確訊乃該司甫經就途據接陳四娃病故之稟隨
經驗出刑傷訊明該署牧棒責逼供誣指逆黨致該
犯因傷斃命又捏稱該犯于被拿之時卽被鄉民毆
打重傷以掩飾其濫刑之罪各情節經臣福 會同
臣畢 恭摺叅奏奉

旨將高淳革職拿問交臣福 臣畢 嚴審究擬在案嗣
據西安臬司訊明同案竊匪陳二娃子李三馬碎個

子等供認夥同陳四娃行竊屬實並無遇見馬五糾
令從逆之事復據甘肅蘭皋縣訊明阿岡鎮並無馬
五州查河州有馬五兩人業經拿解嚴審實係良民
並不知有陳四娃其人經臣福 奏明省釋以免波
累亦在案茲據西安布政使圖 按察使王 會詳
稱遵將高淳提案嚴審據供本年四月間甘省逆回
滋擾隴州與甘省之華亭崇信等縣毗連恐有逆回
入境晝夜防範巡查于五月二十四日據鄉民拿獲
回民解州恐係甘省逆回逃竄隨即嚴行審問據供

與李二等曾在直隸定興地方行竊又恐該犯係賊人奸細所供不實復加棍責隨據供出在蘭州阿岡鎮遇見逆匪馬五招令入夥並令出外探信等情彼時因該犯供出夥同行竊之李二等在逃未獲無可質訊又因照料兵差巡查隘口無暇再行審訊遲至六月十九日始據供通詳後因陳四娃報病進監查驗復據該犯堅供實止行竊前供逆黨實係畏刑妄供不敢廻護初詳卽在報病文內據實聲明不料六月二十九日陳四娃因傷患病身死至原詳內稱陳

四娃先被鄉民毆有重傷一節原因兩次拷打誠恐傷重身死有干罪戾一時愚昧混詳希圖卸罪實屬糊塗該死並無挾私故勘情事等語嗣經拿獲同夥行竊之李四李三馬碎個子到案據供本年閏三月及四月內兩次隨同陳四娃在甘肅寧州直隸定興地方行竊衣物屬實並經起獲原贓是陳四娃是竊非逆更無疑義等情據該司錄供招解前來臣畢

覆加提訊據高淳將此案刑逼誣供致斃人命並詳報遲延以及捏稱先被鄉民毆打希圖卸罪各情由

供認不諱再三嚴訊委因獲犯之日適係逆回滋事之時疑爲奸細是以棒責逼供別無挾私故勘情弊反覆研詰矢口不移似無遁飾隨錄供咨會臣福

覆加詳核公同定擬查該員拿獲陳四娃之日正值逆回猖獗該州戒嚴之時該犯又係回民形跡可疑不得不嚴加鞫訊但並不虛衷審問輒用棒責逼供以致陳四娃因受重傷旋經患病斃獄雖現據緝獲賊夥質訊明確陳四娃實係肆竊積匪例應擬遣之犯尚與刑斃平民不同但旣濫刑斃命又獲犯二十

餘日始行詳報更屬玩延且並捏稱先被毆傷混詳
卸罪尤爲狡詐若僅照因公非法毆打人致死本例
問擬罪止杖一百徒三年固爲法輕情重卽因其捏
詳卸罪加等擬流亦尚不足蔽辜應請將該犯高淳
從重發往新疆効力贖罪其聽從下手棒責陳四娃
之皂役孫繼漢王之有不行稟阻之刑書邊永豐並
夥同陳四娃行竊之賊犯李二李三馬碎個子馬二
娃子等均另擬咨部完結所有臣等審擬此案緣由
理合會同恭摺具奏伏祈

皇上睿鑒勅部核覆施行謹奏乾隆四十九年十二月初

一日奉

上諭據福康安畢沅奏革職隴州知州高淳於拿獲竊匪
陳四娃並不虛衷研鞫妄事刑求致陳四娃受傷病
斃請將高淳發往新疆効力贖罪等語陳四娃于五
月二十四日就獲正值甘省逆回滋事之時高淳因
該犯曾經行竊恐係賊人奸細原當留心向其跟究
緣該犯所供不實加以棒責亦與尋常濫刑斃命者
不同高淳著從寬免其發往新疆仍送部引見再降

諭旨摺併發欽此

同知拷訊賊犯因傷身死與故勘平人有間不
應叅革

湖督特 奏乾隆四十九年十二月十一日承准協
辦大學士和 字寄奉

上諭李綬叅奏署襄陽府同知劉具斌因閩太等夥竊牛
驢衣被等物竄住汪成煥家該署同知將汪成煥差
拘質訊不認窩夥用木棒責打左右腳踝因傷身死
請將劉具斌革審一摺細核此案情節汪成煥夥同
閩太徐洪太等屢次行竊窩留分贓犯案後又堅供

不認該署同知責打始行供認雖該犯因傷身死而該署同知究因賊匪狡賴翻供用刑拷打與故勘平人者究屬有間將來定案時亦不過交部議以降留尚不至于革職倘該署同知于此案另有故勘索詐枉濫情弊自當嚴行查審李綬原摺著暫行存記並諭特成額查明據實奏到再行交部核辦將此諭令知之欽此遵

旨寄信到臣臣跪讀之下仰見

皇上權衡庶獄務歸明允公當之至意臣查署襄陽府同

知劉具斌責打汪成煥因傷身死一案撫臣李 奏
叅後已飭司提集一千犯証在省審訊仰蒙

諭旨垂詢臣隨催令藩司永 署臬司張 並委荆宜施

道陳大文虛衷研審詳覆臣復親加核訊此案先係
由襄陽同知捕役王綱等查街盤獲形跡可疑之人
李登雲押帶稟官開隨有閭太陳起浩携銀六兩三
錢求釋該役等不允一併帶審該同知劉具斌究出
夥賊閭太等供認夥同汪成煥屢次行竊荆門襄陽
各事主牛驢衣物汪成煥並窩留閭太等在家主令

行竊分贓汪成煥先猶狡賴該同知劉具祺令役用
木棒責打腳踝始行供認窩竊贓物俱在典鋪隨差
役令犯妻汪許氏繳出當票起獲原贓經事主王公
錫認領實係被竊原物嗣汪成煥病發保外調治因
左腳踝骨碎傷潰身死撫臣李因劉具斌擅用非
刑拷斃人命遂據揭叅奏請

旨革審茲仰承

聖明指示臣審核案情該補役王綱等查街盤獲竊匪不
肯受賄連行賄之夥匪並帶稟究再三研詰委無索

詐別情該同知劉具斌因賊匪已供出汪成煥窩留
主竊分贓汪成煥狡賴是以用刑拷訊實非故勘且
已究出贓物經事主認領并提訊屍妻汪許氏供指
伊夫夥竊窩贓情形如繪贓真犯確委無枉濫情弊
誠如

聖諭不至革職除將本案審擬緣由另疏具 題附請將
劉具斌交部議處外所有查明緣由臣謹據實覆
奏伏乞

聖鑒謹奏乾隆五十年正月十八日奉

硃批該部知道欽此

知縣失入知府審轉遵駁改正不准免議

吏部題准湖南巡撫舒 咨稱准部咨開溆浦縣武

生舒攀桂赴京呈控族叔舒邦孚誣伊搶奪衣物伊

母唐氏至家理論身死不明等情審擬治罪一摺此

案舒唐氏懼追田價情急自刎前縣丁運升未能審

出實情致將舒邦孚比照誣告人致死例擬絞監候

經巡撫駁飭確審始行改擬杖罪其承問錯誤之處

例應議處未便邀免應將原擬絞候駁飭改擬杖罪

之前任溆浦縣知縣丁運升照例議以降一級調用

註冊移咨該撫將徒前錯擬舒邦孚絞罪審轉知府
職名送部議處等因查此案該前縣黃熙中未經審
出實情旋即卸事尚未成招丁運升初審斷罪失入
後經駁回隨同辰州府單燧審明改正今奉查取職
名卽係錯擬罪名隨審明改正之辰州府知府單燧
相應咨叅等因咨送到部查此案該撫聲明該縣初
審斷罪失入該府卽以失入率轉後因上司駁審雖
經審明改正其原審錯悞之處仍應照例議處應將
審轉錯悞之辰州府知府單燧照例降一級調用承

問失入加級不准抵銷仍令送部引

見恭候

命下臣部遵奉施行乾隆四十八年五月二十二日奉

旨依議

知縣因地保催糧不力責處斃命撫叅革職奉旨不過降級留任

浙撫福 奏竊照知縣一官身膺民牧凡遇催科籌事自應妥協經理豈容徒事敲撲詎有嘉興府屬石門縣知縣朱麟徵者人本平庸性復浮躁乾隆四十八年九月十八日有該縣新克十二都四畝地保張奕高因承催錢糧多有未完該令朱麟徵差拘勒比張奕高推諉不服該令輒行發怒令役責處張奕高出言唐突該令愈怒喝令重責三十板張奕高取保

回家傷重潰爛延至九月二十八日因傷斃命據屍
屬赴府喊稟飭委桐鄉縣知縣唐文照驗訊通詳經
臣批司提集人証來省遴委杭州府知府鄭雲台州
府知府黃符綵會同研訊查叅去後滋據藩臬兩司
轉據該管道府揭報前來臣查張奕高身克地保辦
公不力原應責處卽其出言頂撞雖有應得之罪但
該縣任性發怒喝令重責以致因傷斃命實屬浮躁
濫刑未便稍事姑容相應恭摺奏請

旨將石門縣知縣朱麟徵革職以肅

功令除飭將此案人犯嚴審確情按擬核辦一面委員摘印署理並查明經手倉庫錢糧有無未清照例辦理外臣謹會同閩督富恭摺具奏伏乞

皇上睿鑒施行乾隆四十九年二月初四日奉

上諭據福崧叅奏石門縣知縣朱麟徵因地保張奕高承催錢糧多未完納令役責處張奕高推諉不服出言唐突該令將張奕高重責三十板旋因傷重斃命請將朱麟徵革職等語所辦未免過當知縣身膺民社如于所管人役有因私忿責處致斃情事自應叅奏

革職治罪令朱麟徵于地保証催錢糧多未交納且
又挺撞本官責處本屬分內應辦之事而該地保既
已承催不力復又出言頂觸已有應得之罪况該令
將該地保責處三十板亦係如法決責不得謂之濫
刑若因此而概請革職則將來州縣所管吏役保約
皆得有所倚恃挾制本官於實力辦公之道殊多未
便嗣後如挾嫌逞忿致斃人命者仍照例辦理外如
事屬因公按法責斃所屬人役該督撫止須奏請交
部議處部議時亦不過議以降級留任已足示儆不

得遽行革職致啟胥役刁誣之漸所有此案朱麟徵
應得處分卽照此辦理着爲令欽此

飄飄兮不羈也

野戢下革淵姪娘胥外下再之慙也

承審竊鞘犯人錯分首從定擬部取職名巡撫
認錯奉旨飭查確實議處

湖南巡撫奏准吏部咨開題覆議處芷江縣失

鞘案内失於稽查之道府一本聲明此案夥犯唐開

泰等例應擬絞該承問各員請擬發遣均例有處分

行令查取職名送部等因咨會到臣伏查例載竊盜

餉鞘銀兩照常人盜倉庫錢糧數至一百兩以上者

擬絞監候又例載竊盜倉庫錢糧分別首從問擬此

案芷江縣驛站失竊江西解黔餉鞘當經欽奉

諭旨交臣詳細審辦臣卽率同兩司道府等將先經拿獲之正賊唐開泰唐守興屢加研鞫該犯等供認竊鞫屬實猶冀支吾延緩未肯將埋贓處所及尙有首犯唐佔哇供出及飭該府縣等查起原贓並獲首犯唐佔哇照例擬絞從重請

旨正法唐開泰均照爲從擬流加發新疆爲奴具奏嗣經刑部題覆將唐開泰唐守興唐佔哇勾串竊鞫厥罪維均原擬以例分首從將唐開泰等擬流加遣誠屬失當惟是此案審訊擬罪始終係臣督同辦理與

尋常命盜案件由縣監審定具詳招解院司者有別
所有唐開泰等未會一併擬絞之處皆由臣拘泥例
案以致擬議失當實非承審各員之過不敢迴護
卸今准吏部咨取職名相應奏明請

旨將臣交部議處爲此恭摺具奏伏乞

皇上睿鑒乾隆五十七年二月初五日奉

上諭姜晟奏准吏部行查芷江縣失鞫一案將夥犯唐開
泰等錯擬發遣之承審各員職名查奏查此案審訊
擬罪始終姜晟督同辦理與尋常命盜案係由州府

審解者有別所有錯擬罪名皆由姜晟拘泥所致不敢迴護該卸自請交部議處等語向來督撫遇有審辦案件問擬錯誤其應得處分俱係上司輕而承辦之員爲重今姜晟以此案係由該撫始終督辦非承問各員之過自請交部議處雖據稱不敢迴護該卸但此風亦不可長督撫遇有應得處分卽係例應降革每多邀恩留任若督撫等自以處分不致降革有恃無恐於屬員承辦錯誤之案均一律自行承認既可傳擔當之名又可爲屬員開脫地步豈核實辦理

之道所有芷江縣失鞘錯擬罪名一案著交該部詳
悉查明如實係姜晟一人之過卽將該撫照例議處
餘員不問若係承審各員辦理錯誤姜晟有心迴護
仍着查取職名將各該員及該撫一併議處以昭覈
實而杜弊端摺並發欽此

臣和珅等 奏遵查該撫前于審奏摺內聲稱率同
司道併委審知府親提嚴鞫等語是此案旣係司道
知府等公同鞫訊卽內有錯誤之咎並非承問各員
審擬得實祇由該撫改擬失當所致乃該撫僅自請

議處並不將會同審擬之員一并送部殊屬意存廻護應將湖南巡撫姜照意存廻護降二級調用例降二級調用無庸查級議抵任內有革職留任之案無級可降相應革任仍令該撫將會審之司道知府各職名咨送臣部核議爲此謹奏乾隆五十七年

二月初九日奉

旨吏部議覆湖南芷江縣竊鎬夥犯唐開泰等錯擬罪名一案實係姜晟率同司道知府等官親提嚴鞠請將該撫照意存廻護例降二級調用無級可降相應革

任並將司道府等查取職名送部核議等語此案既
係姜晟率同司道知府公同鞠訊卽均有應得之咎
乃姜晟以此案係由該撫一人主見拘泥條例以致
擬議失錯並非承審各員之過誠爲廻護部議革任
本屬咎所應得但念該撫因此案改擬失當卽行檢
舉自請議處與始終諱飾者有間姜晟着從寬改爲
革職留任仍註冊至此案會審之司道知府均有錯
誤仍着該撫查取職名一併送部核議欽此

孕婦犯死罪應凌遲者產後一月行刑其餘俱

人百民行刑

刑部題會看得鄧川州民婦彭氏戳傷伊夫張和身

死一案據雲南巡撫奏宗錫疏稱緣張和娶妻彭氏

已經半載生有子彭氏懶惰性成張和不時訓誡

乾隆四十三年四月初二日早飯後彭氏在外摘花

插戴張和回家瞥見斥責其非彭氏不服頂觸張和

掌批其頰彭氏隨扭張和衣領拚命毆打

拉開彭氏彭氏進房哭罵不止張和復趕進欲毆彭

氏順取桌上小刀抵戳致傷張和左臂膊張和用右手揪住頭髮側身外拉彭氏情急復用刀嚇戳致傷張和右脇張和負痛聲喊懸手屍母老彭氏聽聞走至用藥包敷詎張和傷重醫治不效延至初五日殞命報州驗詳審解覆訊據彭氏供認前情不諱再訊究詰實係被夫揪髮外拉一時情急用刀嚇戳致傷並非有心欲殺似無遁飾將彭氏依律擬斬立決係婦人免其刺字等因具題前來應如該撫所題彭氏合依妻毆夫致死者斬律擬斬立決該撫疏構該氏

現有身孕應俟產後百日行刑等語臣等伏查律載
孕婦犯死罪聽產後百日行刑嗣于乾隆二十三年
十二月內據直隸總督方觀承審題犯婦程氏毒死
親夫一案擬以凌遲請照律俟產後百日行刑經臣
部酌議以凌遲重犯與尋常斬絞者不同請將碟婦
程氏照產後二月期滿之例於產後一月卽行凌遲
處死並聲明嗣後如遇此等案件均照此例辦理奏
准定例在案嗣于二十五年經臣部審辦曹二與妻
母周氏通姦一案將周氏依例擬絞立決周氏懷孕

未產引照程氏產後一月行刑等因具題亦在案臣等查原奏產後一月行刑之例係專指凌遲處死者而言其斬絞立決犯婦並未議及自應仍照產後百日舊律辦理二十五年臣部審辦周氏一案援照程氏舊案定以一月行刑是以絞決之犯而用凌遲之例援引既已錯誤又未通行各省遵辦以致各省近年審擬罪于斬絞立決懷孕犯婦有請照律百日後行刑者亦有請於一月後行刑者辦理未能畫一查斬絞立決犯婦情罪原無可寬緩但與凌遲犯婦究

有輕重之差若概從一例辦理轉覺無所區別現在雲南此案彭氏擬斬立決該撫聲請俟產後百日行刑與律相符援引並無錯誤臣等照擬核覆所有從前援引錯誤致各省辦理亦有參差之處理合附摺聲請將臣部援引核擬錯誤前後堂司各職名交部分別議處並再通行各省督撫遵照定律定例分別辦理以歸畫一乾隆四十三年十一月二十二日奉旨彭氏俟產後百日卽行處斬餘依議欽此

（The main body of the page contains several vertical columns of text, which are extremely faint and illegible due to the quality of the scan. The text appears to be organized into approximately 10-12 columns, separated by vertical lines. The characters are small and difficult to discern, but they follow a traditional vertical reading format from right to left.)

武職修理衙署查照向例准借銀數動支併酌
定千把總修署准支銀數

乾隆五十年六月十一日准

戶部咨據閩浙總督富原咨內稱奉准部咨武職以
下衙署准其仍舊一體動支空缺留半養廉銀兩又
奉准部咨修理千把署舍與添補執事家伙等項原
非年有之事而扣缺留半銀兩則係年有之款如遇
應修自可酌量扣留餘剩銀兩仍可支給署任養廉
如有不敷准令遵照原奏動支閑款等因又准部咨

武職衙署准動留半養廉修葺自應於奉文之後再照新例辦理以昭畫一等因遵奉在案隨將修理各營副將以下衙署并千把署舍執事家伙等項動支乾隆四十七年分武職扣缺留半養廉銀兩造具四桂清冊詳送請咨奉准部覆查明請修各項是否係在奏定章程以後又未據造有工料細數其會否造報工部核銷之處亦未聲明應飭分晰報查等因當卽分移遵照去後茲准各該營造送細冊前來查乾隆四十七年分扣收武職扣缺養廉銀八千五百二

十七兩二錢四分內給督標中營副將修理衙署實
需工料銀七百九十六兩七錢七分五釐福協副將
修理衙署實需工料銀七百九十九兩九錢一分三
釐督標水師營叅將修理衙署實需工料銀七百八
十九兩六錢九分一釐撫標左營叅將修理衙署實
需工料銀七百九十九兩七錢九分九釐督標中營
都司修理衙署實需工料銀二百零二兩三錢四分
五釐督標左營守備修理衙署實需工料銀一百五
十九兩九錢四分三釐撫標左營守備修理衙署實

需工料銀一百六十兩督標水師營修理堆房實需
工料銀三百四十九兩五錢八分二釐共給過銀四
千零五十八兩四分八釐又給督標水師營右哨把
總修理署舍實需工料銀一百二十六兩五錢八分
九釐建寧鎮標左營府汛把總修理署舍實需工料
銀一百七十八兩四分督標左營參將製造執事家
伙實需工料銀一百七十四兩七錢八分一釐撫標
左營參將製造執事家伙實需工料銀一百九十九
兩八錢七分四釐泉州城守營參將製造執事家伙

實需工料銀二百二十三兩六錢六分六釐銅山營
恭將製造執事家伙實需工料銀二百六十二兩五
錢二分撫標右營遊擊製造執事家伙實需工料銀
一百一兩二錢一分四釐陸路提標前營遊擊製造
執事家伙實需工料銀一百六十六兩七錢一分四
釐銅山營遊擊製造執事家伙實需工料銀一百五
十四兩九錢六分九釐建寧鎮標左營遊擊製造執
事家伙實需工料銀一百八十三兩六錢六釐督標
左營守備製造執事家伙實需工料銀一百一十八

兩等錢共分八釐撫標左營守備製造執事家伙實
需工料銀一百一十二兩三錢六分一釐撫標右營
守備製造執事家伙實需工料銀一百二十兩一分九
釐銅山營守備製造執事家伙實需工料銀一百三十
兩二錢共給過銀二千一百五十八兩一錢一分
一釐統計各營修理衙署及千把署舍執事家伙等
項通共給過工料銀六千四百一十六兩一錢六分
九釐餘存銀二千一百一十一兩七分一釐留係
本年動撥造報至請修前項各衙署執事係乾隆四

十八年五月二十一日七月二十二日奉准部行奏

定章程以資陸續請修應勅乾隆四十七年和缺留

半銀款理合撥管逐歲轉達成規細冊分咨核銷除

咨工部外相應咨達等因前來查開省武職修

署差事案依等項動用乾隆四十七年扣解

銀六千四百一十六兩一錢六分九釐據該

各員請修衙署俟在奏定章程以後陸續請修應造

具工料細數清單等語奉部查從前武職借項

修署守備以上均有一定數目嗣因奏明仍勸業和

缺留半養廉以後各省修署請動數目有參于從前酌借銀數者業經本部議定章程通行各省仍照定額樽節辦理在案今冊造動給各員修署銀兩內副將叅將守備請動數目核與原議借支數目無浮相應移咨工部查辦至督標中軍都司修署動給銀二百三兩三錢四分五釐已逾從前酌借二百之數又督標水師營右哨把總修署動銀一百二十六兩五錢八分九釐連寧鎮標左營把總修署動給銀一百七十八兩四分比較別省千把總修署所動銀兩均

屬浮多其千把修署應動銀兩雖未定額亦應比較酌中定以限制庶免浮濫查福建省驍騎校修署准備銀一百二十兩筆帖式修署准借銀八十兩其千把總職銜與驍騎校筆帖式相等自應照此定擬以示樽節今本部酌議嗣後千總修署准動銀一百兩把總修署准動銀八十兩所有督標水師營并建寧鎮標左營把總修署銀兩卽照此數動給其額外多支銀兩并督標中軍都司額外多支銀兩移咨該督

辦理

擅殺盜決官堤犯人擬絞奉

旨免罪

刑部奏據安徽巡撫張 奏稱前任亳州知州江潮

通詳州民允商岳施放鳥鎗致傷盜犯官堤之王系

幅王佩身死一案緣亳州境內有宋湯河一道乾隆

二十二年大興水利案內

欽差大臣勘明該河南岸地勢西高東低 奏請在干河

東築隄于道保護田庄以防水患相安已久頗資利

積四十五年六月內天雨連降河水驟漲河西之王

忝福因近河庄閒有雨水停積糾約王佩等數十人
潛往河東盜空官堤希圖洩水適值河東之尹尚岳
驚見因往處南隄逼近恐隄潰水衝首先禱及卽携
防夜編號烏鎗喊同庄鄰阻捕王忝福等仍挖掘不
止尹尚岳擊隄勢將潰愈加憤急遂將烏鎗望隄施放
嚇阻致將王忝福王佩打傷身死隨同往捕之李林
亦將河西之陳洪格圍致斃其同往偷空之人站立
隄堦遙望河東之人奔回救水時值口潰溜急勢正
洶湧站立之處頃刻塌陷以致傳懷祿傅順張臣魏

理文等四人一併落水淹斃報經該州勘明所決之
口水向東湧橫流之際堤東一帶田廬盡被淹漫隨
飭照舊堵築錄供通詳歷審無異此起衅致死實在
情形也臣查宋湯河堤壞動帑修築係屬官堤河

東村庄地勢低下田園莊墓藉茲保障六月中旬正
值田禾雜糧揚花結實之候小民終歲勤動秋收在
望生計攸關當此河流泛漲附近里民理應協力保
護方免潰決之患乃王泰幅等偶因天雨停積于河
水暴漲之時膽敢糾約多人擅將河東官堤將強挖

掘以致遠近村庄突遭淹漫利已害人居心險惡情殊可惡此風斷不可長查烏鎗殺人照故殺律擬斬係指尋常案犯因他事起衅致死者而言其偷挖官堤放鎗捕殺例內雖無治罪專條而盜決河防律有准竊盜論之語今王泰福等盜決官堤本係有罪之犯尹尚岳恐隄潰水衝首先及禍亦屬應捕之人但于危急之時放鎗嚇阻事起倉卒勢在自救旣與尋常故殺不同卽與應捕人致死罪人無異若依烏鎗殺人例一律擬斬似覺無所區別今據臬司審照罪

人不拒捕而擅殺律擬絞監候似于懲戒兇頑之中
仍示慎重河防之意除另行恭疏具題外合將酌
擬緣由聲明情節專摺奏明伏乞

皇上勅部議覆施行乾隆四十六年十二月二十一日奉

諭據農起奏審擬亳州民尹尚岳將盜挖官隄之王忞

幅王佩用鳥鎗打傷身死一案請照罪人不拒捕而

擅殺律擬絞監候等語此案王忞幅因所居地近河

西雨水停積輒敢糾約王佩等數十人潛往河東盜

挖官隄希圖宣洩河西積水時住居河東之尹尚岳

目擊起勢將潰情急放鎗致將王忞幅王佩打傷身
死核其情節王忞幅等盜決官隄以致該處遠近田
廬悉被淹沒情罪重大非尋常罪人可比尹尚岳因
河東窪下恐隄潰水衝勢在危急放鎗嚇阻係爲保
護地方起見並無挾嫌情事其所用烏鎗亦係遵照
舊例在官編號並非私製所有此案原擬絞候之尹
尚岳着加恩免罪釋放該部知道摺併發欽此

續纂駁此照成案所見二集終

